

Letsatsi la makgaolakgang la balefalekgetho ba nakwana, ho akareditswe le dithraste, ke Laboraro la 24 Pherekong 2024

Tshwane, 18 Pherekong 2024 – Letsatsi la makgaolakgang la balefalekgetho ka bomong ba bona le dithraste bao kaofela ha bona e leng balefalekgetho ba nakwana, la hore ba faele dikgutliso tsa bona tsa lekgetho la lekeno bakeng sa selemo sa lekgetho sa 2023, ke Laboraro la 24 Pherekong 2024. Ka selemo sa hlahlobo sa 2022 ho bolelwa nako e pakeng tsa la 1 Tlhakubele 2022 ho fihlela ka la 28 Hlakola 2023

Molefalekgetho wa nawakana ke motho ofe kapa ofe ya fumanang lekeno kapa eo lekeno le hlomelang ho yena, ntle le la moputso wa hae. Thraste e akareditswe tlasa tlhaloso ena ya "motho" ho latela dintlha tsa Molao wa Lekgetho la Lekeno, wa nomoro ya 58 wa 1962 mme ka hona e nkuwa e le molefalekgetho.

Dithraste tsohle di lokela ho faela kgutliso ya lekgetho hang ka selemo, ho akareditswe le tseo e leng hore di ntse di sa sebetse ho tse mabapi le ikonomi. Motshepuwa ke molefalekgetho eo e leng moemedi wa Thraste mme o jara boikarabelo ba ho faela boemong ba Thraste kapa ho kgetha setsebi se ngodisitsweng sa lekgetho ho etsa jwalo.

Ditshebeletso tsa Lekgetho tsa Afrika Borwa (SARS) ha le no ba le mamello ho balefalekgetho ba sa ingodisetseng makgetho a lokelang, ba sa faeleng dikgutliso tsa lekgetho, ba sa etseng ditsebahatso tse nepahetseng dikgutlisong tsa bona tsa lekgetho le ba hlolehang ho lefa se lokelang ho leshwa ho SARS moo ho hlokehang. Ho se ikobele boitlamo bona ke tlolo ya molao mme sena se tla baka dikotlo le tswala.

Ho tloha ka selemo sa hlahlobo sa 2023, ke setlamo hore batshepuwa ba fane ka ditokomane tsa tshehetso nakong eo ba faelang ka yona. Ditokomane tsena hara tse ding di akaretsa, sesebediswa sa Thraste, Diteitemente tsa Selemo ka seng tsa Ditjhelete, Mangolo a Bolaodi, diqeto/metsotso ya dikopano tsa batshepuwa mmoho le okanokgramo e bontshang Borui ba Thraste. Hodima moo, baunamolemo ba Dithraste ba lokela ho tsebahatsa lekeno la bona, ho akareditswe le lekeno le tswang Thrasteng, dikgutlisong tsa bona tsa lekgetho la lekeno.

SARS e nolofaleditse balefalekgetho ho ikobela ka ho tla ka ditharollo tsa ho faela tsa onlaene. Kgutliso ya lekgetho la lekeno la motho (ITR12) le kgutliso ya lekgetho la lekeno la thraste (ITR12T) di ka fumanwa ho eFiling mme tlhophiso ya kopano e ka etswa lekaleng la SARS mane websaeteng ya SARS. Balefalekgetho ba kgothaletswa ho ikela websaeteng ya SARS ho fumana dintlha tse ding tse mabapi le boikobelo ba bona ba lekgetho, [Dithraste, Sehla sa ho Faela Lekgetho sa 2023](#) mmoho le [Lekgetho la Nakwana](#).

Ho fumana lesedi le fetang lena, ikopanye le SarsMedia@sars.gov.za